

# INUIT ATAQATIGIIT INATSIARTUNI



UKA24/114&115

Siull. 16/10

Lars Salik Henningsen

Kielsen

**Sulinermik inuussutissarsiuteqartut sulinerup nalaani ullormut minuttini 30-ni timigissarsinnaatitaalissappata tamatuma namminersorlutik inuussutissarsiuteqartunut pisortanullu aningaasatigut allaffissornikkullu kingunerisassaanik misissuinermik aallartitsinissamut Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuinermi taamatuttaaq tamatuma innuttaasut peqqissusiannut kingunerisassai taamatullu aamma inooriaatsimik pissuteqartumik nappaatit appariarnissaasa naatsorsuutigineqartup malitsigisaanik napparsimalluni sulinngitsoortarnerit Peqqinnissaqarfimmullu aningaasartuutit ikinnerulernerisa inuiaqatigiit aningaasaqarniarnerannut sunniutissai qulaajarneqassapput. Misissuineq UKA 2025 nallertinnagu Inatsisartunut agguanneqassaaq.**

Inatsisartunut ilaasortaq Anna Wangenheim, Demokraatit

**Piffissaq sapaatip akunneranut nalinginnaasumik suliffiusartoq ullumikkut nalunaaquttap akunneri 40-sunit 35-inut appartinneqarpata, tamatuma aningaasatigut, inuiaqatigiinnut peqqissutsikkullu kingunerisassaanik misissueqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut. Misissuineq UPA 2025 nallertinnagu Inatsisartunut agguanneqassaaq.**

Inatsisartunut ilaasortaq Anna Wangenheim, Demokraatit

# INUIT ATAQATIGIIT INATSIARTUNI



## Oqaaseqaat:

### Imm. 114

Inuit Ataqatigiit naqissuserumavarput ataatsimoorluta akisussaaffigatsigu nunarput kinguaasatsinnut ingerlateqqitassarput tassaassasoq inuiaqatigiit peqqissut, patajaatsut, naapertuilluartut, nammaqatigiissut ammasuusullu. Inuit Ataqatigiit peqqissuseq paasisarpaat "timikkut, tarnikkut, inooqatigiinnikkullu inuummarissuseqarnertut". Ilisimavarput nunatsinni innuttaasut timikkut tarnikkullu peqqissutsimik tungaasigut annertuumik unammilligassaqartut. Inuit Ataqatigiinni aamma pingaartitaraarput, inuiaqatigiinni ataatsimoorluta paasissagipput, tamatta immikkut innuttaasut pitsaanerpaamik atugassaqartitaallutik peqqinnerunissaat akisussaaffigatsigu.

Inuit Ataqatigiinniit siunnertuutip tunngavia paasisinnaavaat, taamaattorli sulinermut tunngasut sulisitsisut sulisartullu akornanni suliarineqartussaasutut isigalutigit. Inuit Ataqatigiit kattuffiit sulinerat ataqqivarput, taamaammallu siunnersuut taama isikkoqartillugu itingatillutigu.

### Imm. 115

Inuit Ataqatigiinni isumaqarpugut isummerfissatut siunnersuut tunngaviatigut misissuisoqarnissaa isumaqatigalugu. Kisianni aamma upernaakkut ataatsimiinermi eqqartukkani ilaasoq aamma eqqaalaarusuppara ullukinnermi sulinngiffeqaralernissaq Peter Olsen (IA) UPA2024/57-mi qaqissimasaa eqqartorneqarmat ilaatigut taaneqarluni akunnerni arfineq pigasuni sulinngiffeqartarnissaq pineqarmat 100 mio-likkaanik aningaasartuuteqartoqarnissaa eqqaaneqarmat, uanilu akunnerni 40-niit 35-nut appartinneqarnissaa eqqartoneqarluni. Taamaatumik misissuinerup kingunissaa pissanngatigaarput. Eqqaasissutigerusupparalu aamma inatsisartuni inatsisiliortuugata sulisitsisuunata. Kisianni aamma eqqaasissutigerusuppara

# INUIT ATAQATIGIIT INATSISARTUNI



nunatsinni sulisartorpassuit assigiingitsorpassuumata. Sulisartorpassuaqarpoq akunnerni 40-ni suliffiusut naamagingikkaat, ilaatigullu aamma sivikinnerusumik piunasaqartoqarsinnaalluni. Akunnernut suliffiusunik qulaaniit aalajangiisagutta nunatsinni imaaratarsinnaasoq aningaasatigut mia.-terpassuarnik naleqaratarsinnaasoq. Taasumalu illua tungaatigut sullivigissaanermut tunngasunik suliaqassagutta suleqatigiisitamik sullivigissaanermut tunngasunik suliaqartoqarnissaa sulisitsisut sulisartullu kattuffii kiisalu peqqinnissaqarfik suleqatigilluinnarlugit, Inuit Ataqatigiinnimi pingaartitarilluinnakkatta ilagivaat Kattuffeqarnek. tassami uani uippakajaarnermut assigisaanullu tunngasut eqqartorneqarmata. Suleqatigiisitallu sulisartut sulisitsisullu qanimu suliaqartut peqatigilluinnarlugit nalimmassaanissamut suliaqarsinnaammat. Tassami misissuinissaq akunnerni 35-nut aalajangersaafigissagutsigu kattuffinnut susassaqtunut qarsussinertut suliaqassagatta. Siunissamilu sulinermut tunngasunik aalajangersaasagutta kattuffiit peqqinnissaqarfillu ilanngullugu nalilersuisoqarumaartoq, taakuuppummi sulisitsisut inunnullu iluaqtissamik nassaarsinnaanerusut inatsisiliortuungitsut. Naatsumik taallugu Inuit Ataqatigiinni isumaqarpugut misissuinissaq akerlerinagu pissanngatigalugulu misissuinerup inernissaa.

Naatsumik oqaatigalugu Inuit Ataqatigiinniit misissuinerup inernissaa pissanngatigaarput qilanaaralugu ataatsimiititaliamut susassaqtumut ingerlateqipparput.